



Atvinnuvega- og nýsköpunarráðuneytið,
Skúlagötu 4,
101 REYKJAVÍK.

Sent á vef samráðsgáttar.

Reykjavík, 13. janúar 2020.

Málsnr.: 200103-0069

Efni: Mál nr. 312/2019 í samráðsgátt stjórnvalda, drög að reglugerð um útboð eldissvæða

Drög að reglugerð um fiskeldi voru birt í samráðsgátt stjórnvalda þann 18. desember 2019.

Landssamband veiðifélaga óskaði eftir því með erindi til formanns samráðsnefndar um fiskeldi að reglugerðardrögin yrðu tekin til efnislegrar umfjöllunar í nefndinni og vegna þess erindis hefur verið orðið við því að boða til fundar þegar athugasemdir úr samráðsferlinu liggja fyrir. Lögum samkvæmt er samráðsnefnd um fiskeldi stjórnvöldum til ráðgjafar vegna málefna fiskeldis og skal taka til umfjöllunar hvaðeina sem málaflokkinn snertir.

Í reglugerðardrögunum er gert ráð fyrir að hægt verði að úthluta eldissvæðum eftir lokað útboð, sbr. 3. mgr. 2. gr. og 2. mgr. 3. gr.

Lög nr. 71/2008 um fiskeldi gera ekki ráð fyrir að hægt verði að halda lokað útboð. Þvert á móti er beinlínis gert ráð fyrir því að úthlutun eldissvæða skuli auglýsa opinberlega, sbr. 3. mgr. 4. gr. a. laganna. Í því felst að útboð skuli vera opið og kveða hefði þurft á um það með skýrum hætti ef ráðherra ætti að vera heimilt að halda lokað útboð.

Reglugerðarákvæði um lokað útboð um eldissvæði skortir því lagastoð.

Virðingarfyllst,

Elías Blöndal Guðjónsson
framkvæmdastjóri